



REPUBLIKA E SHQIPËRISË  
UNIVERSITETI I MJEKËSISË, TIRANË  
SENATI AKADEMIK

Nr. 2993 / Prot.  
6

Tiranë, më 19.12.2025

**VENDIM**

Nr. 154, datë 19.12.2025

**“PËR MIRATIMIN E KUOTAVE TË PRANIMIT, TARIFAVE TË KONKURRIMIT  
DHE TË SHKOLLIMIT, NË PROGRAMET E CIKLIT TË TRETË TË  
STUDIMEVE, SPECIALIZIME AFATGJATA NË FUSHËN E MJEKËSISË, PËR  
VITIN AKADEMIK 2025-2026, NË UNIVERSITETIN E MJEKËSISË, TIRANË”**

Në zbatim të Ligjit Nr. 80/2015, "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", neni 3, neni 25, neni 38, neni 42, neni 78; Statutit të UMT-së, neni 89; Rregullores së UMT-së neni 72; Rregullores së studimeve të specializimeve afatgjata, të ciklit të tretë në fushën e mjekësisë, e ndryshuar, bazuar në propozimet e njësive kryesore, përkatësisht të Fakultetit të Mjekësisë me shkresën nr. 4319/27 prot., datë 12.12.2025 dhe Fakultetit të Mjekësisë Dentare me shkresën nr. 617/2 prot., datë 10.12.2025, si dhe në Vendimin nr. 72, datë 17.12.2025 të Rektoratit të UMT-së, Senati Akademik i Universitetit të Mjekësisë, Tiranë,

**VENDOSI:**

1. Kuotat e pranimit në Universitetin e Mjekësisë, Tiranë, për programet e ciklit të tretë të studimeve, specializime afatgjata në fushën e mjekësisë, me kohë të plotë, për vitin akademik 2025-2026, janë në total 299 (dyqind e nëntëdhjetë e nëntë).
2. Kuotat e pranimit për programet e ciklit të tretë të studimeve, specializime afatgjata, me kohë të plotë, të përcaktuara në pikën 1 të këtij vendimi, të ndara sipas programeve të studimit, pasqyrohen në tabelën nr. 1, bashkëlidhur këtij vendimi.
3. Aplikojnë, për programe studimi specializuese afatgjata, të gjithë kandidatët që kanë fituar të drejtën e ushtrimit të profesionit në Republikën e Shqipërisë, sipas përcaktimeve në rregulloren përkatëse të specializimeve afatgjata në fushën e mjekësisë.
4. Pranimet e studentëve në programin specializues afatgjatë sipas kuotave të miratuara në këtë vendim, bëhen sipas përcaktimeve në rregulloren e specializimeve afatgjata në fushën e mjekësisë, e ndryshuar të Universitetit të Mjekësisë, Tiranë, si dhe të akteve ligjore e nënligjore në fuqi.
5. Tarifa e konkurrimit në programet specializuese afatgjatë apo tarifa e aplikimit për transferim studimesh është 5000 (pesëmijë) lekë. Tarifa vjetore e shkollimit për studentët

që ndjekin programet specializuese afatgjata në fushën e mjekësisë, sipas përcaktimeve të këtij vendimi është 115,000 (njëqind e pesëmbëdhjetë mijë) lekë (tarifa e konkurrimit/aplikimit dhe tarifa e shkollimit është e njëjtë me të vitit të mëparshëm akademik). Studentët e shpallur fitues paguajnë/arkëtojnë, menjëherë 30% të tarifës vjetore të shkollimit, ndërsa këstet e tjera arkëtohen sipas afateve dhe masës në përqindje të përcaktuara nga fakultetet përkatëse. Studenti i cilësuar *përsëritës* në bazë të Rregullores të UMT-së, i nënshtrohet tarifës së plotë vjetore të shkollimit, të vitit akademik në të cilin vazhdon studimet.

6. Shpërndarja e kuotave të propozuara nga Ministria e Shëndetësisë dhe Mirëqenies Sociale, Ministria e Drejtësisë, Ministria e Mbrojtjes dhe Ministria e Brendshme, sipas çdo programi studimi, bëhet me vendim të Senatit Akademik. Studentët që përfitojnë nga kuotat e parashikuara sipas kësaj pike të këtij vendimi, lidhin kontrata me ministrinë përkatëse ku përcaktohen detyrimet mes palëve, si dhe penalitetet në rastet e mosrespektimit të tyre. Modeli i kontratës dhe modalitetet e lidhjes së saj përcaktohen me urdhër të ministrit që mbulon fushën përkatëse.
7. Efektet financiare, që rrjedhin nga zbatimi i këtij vendimi, të përballohen nga buxheti i njësisë kryesore përkatëse, pa efekte buxhetore shtesë.
8. Ky vendim hyn në fuqi menjëherë dhe i përcillet Ministrisë së Arsimit, Qendrës së Shërbimeve Arsimore, Ministrisë së Shëndetësisë dhe Mirëqenies Sociale, Ministrisë së Drejtësisë, Ministrisë së Mbrojtjes dhe Ministrisë së Brendshme, për vijimin e mëtejshëm të procedurave të përcaktuara në aktet ligjore dhe nënligjore në fuqi, për këto lloj programesh.
9. Ky vendim hyn në fuqi menjëherë dhe i përcillet Bordit të Administrimit të UMT-së, për miratimin e tarifave të propozuara në pikën 5 të këtij vendimi.

**KRYETARI**  
**Prof. Dr. Xheladin DRAÇINI**



**Tabela nr. 1.** Kuotat e pranimit në programet e ciklit të tretë të studimeve “Specializim Afatgjatë” në fushën e mjekësisë, në Universitetin e Mjekësisë, Tiranë, për vitin akademik 2025-2026.

Nr.	Fakulteti	Programi i Studimit	Kuota të miratuara për vitin akademik 2025-2026
1	F. Mjekësisë	Alergologji Dhe Imunologji Klinike	5
2	F. Mjekësisë	Anatomi Patologjike	5
3	F. Mjekësisë	Anestezi-Reanimacion	20
4	F. Mjekësisë	Diagnozë me Imazhe	5
5	F. Mjekësisë	Dermatologji dhe Venerologji	5
6	F. Mjekësisë	Endokrinologji	5
7	F. Mjekësisë	Gastrohepatologji	5
8	F. Mjekësisë	Hematologji	5
9	F. Mjekësisë	Kardiokirurgji	5
10	F. Mjekësisë	Kardiologji	12
11	F. Mjekësisë	Kirurgji e Përgjithshme	20
12	F. Mjekësisë	Kirurgji Plastike, Rikonstruktive dhe Estetike	5
13	F. Mjekësisë	Laborator Klinik-Biokimik	5
14	F. Mjekësisë	Mikrobiologji	5
15	F. Mjekësisë	Mjekësi Familje	20
16	F. Mjekësisë	Mjekësi Interne	10
17	F. Mjekësisë	Mjekësi Ligjore	5
18	F. Mjekësisë	Mjekësi Urgjence	12
19	F. Mjekësisë	Mjekësi Transfuzive	5
20	F. Mjekësisë	Nefrologji	7
21	F. Mjekësisë	Neurologji	5
22	F. Mjekësisë	Neurokirurgji	5
23	F. Mjekësisë	Otorinolaringologji	5
24	F. Mjekësisë	Obstetrikë-Gjinekologji	8
25	F. Mjekësisë	Okulistikë	5
26	F. Mjekësisë	Onkologji	8
27	F. Mjekësisë	Ortopedi-Traumatologji	5
28	F. Mjekësisë	Pediatri	20
29	F. Mjekësisë	Pneumologji	7
30	F. Mjekësisë	Psikiatri	10
31	F. Mjekësisë	Psikiatri e Femijëve dhe Adoleshentëve	5
32	F. Mjekësisë	Reumatologji	5
33	F. Mjekësisë	Sëmundje Infektive	10
34	F. Mjekësisë	Shëndet Publik	5
35	F. Mjekësisë	Toksikologji Klinike	5
<b>TOTAL FM</b>			<b>274</b>
1	F. Mjekësisë Dentare	Kirurgji Maksilo-Faciale	5
2	F. Mjekësisë Dentare	Ortodonci	5
3	F. Mjekësisë Dentare	Pedodonti	5
4	F. Mjekësisë Dentare	Terapi Stomatologjike	5
<b>TOTAL FMD</b>			<b>20</b>

\*dhe 5 kuota për transferim të studimeve në Fakultetin e Mjekësisë UMT, nga IAL të tjera.